



Broj: 05-02-1-1524-9/17
Sarajevo, 9.11.2017. godine

PARLAMENTARNA SKUPŠTINA BIH

- Zastupnički dom -
- Dom naroda -

SARAJEVO

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO. 10. 11. 2017			
Organizaciona jedinica	Klasifikaciona oznaka	Redni broj	Broj priloga
01/02	-02-1	1752/17.	

4


PREDMET: Prijedlog zakona o izmjeni i dopunama Zakona o neovisnim i nadzornim tijelima policijske strukture Bosne i Hercegovine, dostavlja se

V e z a: Vaš akti broj: 01-50-2-13-56/17 od 24.10.2017. godine

Vezano za vaš akt, gornje oznake i datuma, u privitku dostavljamo Prijedlog zakona o izmjeni i dopunama Zakona o neovisnim i nadzornim tijelima policijske strukture Bosne i Hercegovine na bosanskom, hrvatskom i srpskom jeziku, a koji je usuglašen sa Mišljenjem Zakonodavnopravnog sektora Parlamentarne skupštine Bosne i Hercegovine.

Pored navedenog podsjećamo, Generalno tajništvo Prijedlog navedenog zakona dostavilo je 18.7.2017. godine, u oba doma Parlamentarne skupštine sa prijedlogom da se isti razmatra po temeljnom zakonodavnom postupku.

S poštovanjem,


GENERALNI TAJNIK
Zvonimir Rutleša

PRIJEDLOG

Na osnovu članka IV 4.a) Ustava Bosne i Hercegovine, Parlamentarna skupština Bosne i Hercegovine, na _____ sjednici Predstavničkog doma, održanoj _____ 2017. godine i na _____ sjednici Doma naroda, održanoj _____ 2017. godine, usvojila je

ZAKON

O IZMJENI I DOPUNAMA ZAKONA O NEOVISNIM I NADZORNIM TIJELIMA POLICIJSKE STRUKTURE BOSNE I HERCEGOVINE

Članak 1.

U Zakonu o neovisnim i nadzornim tijelima policijske strukture Bosne i Hercegovine („Službeni glasnik BiH”, broj 36/08), u poglavlju I OPĆE ODREDBE, iza članka 1. dodaje se novi članak 1a. koji glasi:

“Članak 1a.
(Rodno osjetljiva upotreba jezika)

Izrazi u ovom zakonu, koji su radi preglednosti dazi u jednom gramatičkom rodu, bez diskriminacije se odnose i na muškarce i na žene”.

Članak 2.

Članak 11. stavak (2) mijenja se i glasi:

„(2) Svako policijsko tijelo BiH koje ima status upravne organizacije predlaže ministru sigurnosti BiH po dva policijska službenika BiH za članove Odbora za žalbe policijskih službenika, od kojih će ministar sigurnosti BiH predložiti četiri policijska službenika BiH Vijeću ministara BiH za izbor i imenovanje.”

Iza stavka (2) dodaje se novi stavak (3), koji glasi:

“(3) Prilikom predlaganja članova Odbora za žalbe policijskih službenika , vodiće se računa o ravnomjernoj zastupljenosti spolova.”

Dosadašnji st.(3), (4), (5) i (6), postaju st.(4), (5), (6) i (7).

Članak 3.

Ovaj zakon stupa na snagu osmog dana od dana objavljivanja u "Službenom glasniku BiH".

Broj _____
_____ 2017. godine

**Predsjedatelj
Predstavničkog doma
Parlamentarne skupštine BiH**

**Predsjedatelj
Doma naroda
Parlamentarne skupštine BiH**

OBRAZLOŽENJE

I - USTAVNI OSNOV

Ustavni osnov za donošenje ovog Zakona sadržan je u članku IV 4 (a) Ustava Bosne i Hercegovine prema kojem je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva Bosne i Hercegovine ili za vršenje funkcija Parlamenta Bosne i Hercegovine po ovom Ustavu.

II – RAZLOZI ZA DONOŠENJE

Razlozi za donošenje predloženog Zakona su prije svega sadržani u činjenici da je u dugogodišnjoj primjeni Zakona o neovisnim i nadzornim tijelima policijske strukture Bosne i Hercegovine („Službeni glasnik BiH”, broj 36/08), (u daljem tekstu: Zakon) uočena neusaglašenost između odredbe članka 10. stavak (1) kojim se propisuje da Odbor za žalbe policijskih službenika ima sedam članova, od kojih su četiri člana policijski službenici, a tri člana državni službenici i odredbe članka 11. stavak (2) Zakona.

Naime, u članku 11. stavak (2) Zakona se propisuje da svako policijsko tijelo BiH koje ima status upravne organizacije predlaže ministru sigurnosti BiH po dva policijska službenika za članove Odbora za žalbe policijskih službenika, a koje ministar sigurnosti BiH predlaže Vijeću ministara BiH na izbor i imenovanje. Nadalje, ako se akceptira činjenica da se policijska struktura BiH sastoji od tri policijska organa i to, da istu čine: Državna agencija za istrage i zaštitu – SIPA, Granična policija i Direkcija za koordinaciju policijskih tijela BiH, potpuno je jasno da se prostim matematičkim tumačenjem ove odredbe može pretpostaviti da svako policijski organ u policijskoj strukturi BiH može imati po dva člana u sastavu Odbora za žalbe policijskih službenika, zbog čega bi takvo tumačenje bilo u suprotnosti sa odredbom članka 10. stavak (1) Zakona, gdje decidno navedeno da se u sastav Odbora za žalbe policijskih službenika mogu imenovati četiri policijska službenika BiH.

III - PRINCIPI NA KOJIM SE TEMELJI ZAKON

Principi na kojima je zasnovan Prijedlog Zakona u skladu su sa:

- Pravnom sigurnošću,
- Zakonom o Državnoj agenciji za istrage i zaštitu,
- Graničnoj policiji,
- Zakonom o Direkciji za koordinaciju policijskih tijela i o agencijama za podršku policijskoj strukturi BiH, Zakonom o Državnoj agenciji za istrage i zaštitu i Zakonom o Graničnoj policiji BiH,

- Zakonom o policijskim službenicima BiH,
- Zakon o ministarstvima i drugim organima uprave BiH,
- Zakonom o upravi.

IV - OBRAZLOŽENJE PREDLOZENOG RJEŠENJA

Člankom 1. se u Prijedlog Zakona o neovisnim i nadzornim tijelima policijske strukture Bosne i Hercegovine („Službeni glasnik BiH”, broj 36/08), dodaje novi članak 1a. koji je inkorporiran u poglavlju I. Opće odredbe i koji takođe predstavlja usaglašavanje ovog zakona sa člankom 9. točka e) Zakona o ravnopravnosti spolova u BiH, na način da diskriminacija u jeziku postoji kada se koristi isključivo jedan gramatički rod kao generički pojam. Formulacija iz ove sugestije koristi se u skladu sa člankom 44.a. stavak (1) Izmjena i dopuna Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH”, broj 58/14).

Člankom 2. Zakona se odnosi na izmjenu članka 11. stavak (2) na način da su se usaglasile odredbe članka 10. stavak (1) i citiranog članka 11. stavak (2). Zakona. Sada je potpuno jasno da od šest policijskih službenika BiH koje nominiraju tri policijska organa BiH, znači svako tijelo po dva policijska službenika, ministar sigurnosti BiH na izbor i imenovanje Vijeću ministara BiH od tog broja predlaže četiri policijska službenika, te je izmjenom ove odredbe članka 11. stavak (2) postalo pravno potpuno jasno o kojem broju policijskih službenika se radi, kada je riječ o izboru i imenovanju.

Takođe se u članku 11. dodaje novi stavak (3) , kojim se poštuju odredbe Zakona o ravnopravnosti spolova u BiH – prečišćeni tekst , gdje u članku 20. st.(1) i (2) se propisuje, između ostalog da državna tijela na svim nivoima vlasti i tijela lokalne samouprave, uključujući zakonodavnu, izvršnu i sudsku vlast, političke stranke, pravna lica s javnim ovlastima, pravna lica koja su u vlasništvu ili pod kontrolom države , entiteta , kantona, grada ili općine ili nad čijim radom javni organ vrši kontrolu, obezbijediće i promovirati ravnopravnu zastupljenost spolova u upravljanju, procesu odlučivanja i predstavljanju. Ravnopravna zastupljenost spolova postoji u slučaju kada je jedan od spolova zastupljen najmanje u procentu 40% u pomenutim tijelima.

V - FINACIJSKA SREDSTVA

Usvajanje prijedloga zakona ne zahtijeva izdvajanje bilo kakvih novih sredstava za provođenje istog.